

UKIUMOORTUMIK NALUNAAARUT 2024



Nunatta Atuagaateqarfia



www.katak.gl/kl

Indhold

IMARISAI.....	2
SIULEQUT.....	3
INGERLATSINEQ.....	4
AAQQISSUUSSAANERMIK INERIARTORTITSINEQ.....	6
ATUKKIUSSANUT KISITSISIT.....	8
TEAM SERVICE.....	9
TEAM	
OPLEVELSER.....	10
TEAM NUNARPUT.....	18
TEAM GROENLANDICA.....	20

SIULEQUT

Ukioq 2024 Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfiup, IKTIN-ip pisorta qarfianit nalilerneqarsimavoq Nunatta Atuagaateqarfiata pisussaaffiginngikkaa sinerissami kommunini innuttaasunut atuagaateqarfiit ukiumut nalunaarusiaat atukkiussassaataasa atortissimasaasalu amerlassusaannik kisitsisinngorlugit piniartarnej. Taamaattumik Nunatta Atuagaateqarfiani immikkoortortat suleqatigiit suliarisimasaannut tunngasunik allaaserisat kisimik uani saqqummiunneqarput. Immikkoortortat suleqatigiit tassaapput Suleqatigiit Groenlandica (Team Groenlandica), Suleqatigiit Nunarput (Team Nunarput), Suleqatigiit Kiffartuussisut (Team Service), Suleqatigiit Aaqquissuussisartut (Team Oplevelser) taavalu taakkununga allaffissornermut saaffiginnettarmullu immikkoortortaq.

INGERLATSINEQ

Suliniutit nutaat

Ukiumi uani meeqqanut atuagaateqarfiup mobilinik assigisaannillu atuiffiujunnaarnera sulliveqartitsisarnerlu pitsaasumik angusaqarfi-
unerpaapput.

Meeqperiviit meeqqanut atuagaateqarfimmu-
kassatillutik inniminneeqqartaalerput, taamaalil-
luni isersimasut ataatsikkut amerlavallaat iser-
simasarsinnaanerit pinngitsoortinneqarpoq.

Meeqqat atukkanik kingusiinnaq tunniussisima-
tillutik akiligassinneqartarunnaarput.

Anisitsisarnerit aamma kaffit assigisaallu nuta-
anik qaffallugit akeqartinneqalerput.

Sulisut sammisaqaqatigiinnissaat pissutigalugu
tallimanngornermi decembarip 6-ianni 2024-mi
nal. 15 matuvoq.

Gronlandicas lukkedage:

Aasaanerani juulip aallaqqaataanit aggustip
18-iannut matoqqavoq.

Ammasarfiit

Nunatta Atuagaateqarfia ataasinngornermiit
tallimanngornermut nal. 12-18 ammasarpoq.
Pingasunngorneq nal. 10-16 aamma arfininn-
gorneq nal. 11-14.

Septembarip 1-anniit tallimanngornikkut nal.
10-16.

Pr. 1. september om fredage kl. 10-16.

Aasaanerani ammasarfiit, piffissami juunip
19-anniit aggustip 31-ata tungaanut: ata-
asin-ngornermiit tallimanngornermut nal. 13-17.

Pingasunngorneq nal. 10-16. Arfininngorneq
sapaallu matoqqasarpoq..

Ammasarfiit nalinginnaasut saniatigut assi-
ginnigitsunik aqqissuussisoqarnerani am-
ma-tinneqartarpoq.

Nunatta Atuagaateqarfia aamma Groenlandica
decembarip 13-anni anorersuarnissaanik aar-
le-risaarisoqarnera pissutigalugu matoqqapput.

Aningaasaliissutit

Nunatta Atuagaateqarfianut 16.046 mio. kr.-t aningaasaliissutaapput.

	2022	2023	2024
Aningaasaliissutit	15.821	16.046	16.324

Sulisut

Nunatta Atuagaateqarfiata sulisui, Groenlandicami sulisut ilanngullugit, assigiinngitsunik suliaqarlutillu suliaminni atuuffeqarput. Tamakkerlutik Nunatta Atuagaateqarfiata ilisimasati-

gut kulturikkullu ulluinnarni qaammarsaanermik suliaqarnerannillu ikorfartuisuupput. Nunatta Atuagaateqarfiani sulisut katillutik 22-upput.

Tulliuttut tassaapput Nunatta Atuagaateqarfiani sulisutut atuuffiit assigiinngitsut assersuutaat:

- Atuagaateqarfimmi pisortaq
- Atuagaateqarfimmi siunnersorti
- Suleqatigiinnut aqutsisut
- Atuagaatilerisut bibliotekarit
- atuagaateqarfimmi ikiortit
- Misigisassanik pilersitsisartaq
- Attaveqatigiinnermi suliaqartaq
- Allaffeqarfimmi aqutsisoq
- Allaffimmi fuldmægtigi
- Overassistenti
- TNI-mi ilinniartaq
- Århus Universitetimit suliffimmik misiliisoq

AAQQISSUUSSAANERMIK INERIARTOR-TITSINEQ

Nunatta Atuagaateqarfia tamanut tikilluaqqusisoq, atuisunik peqataatitsisoq aamma inunnik apeqqarinnerulersitserusuttoq, atuarusulersitsisoq kulturimillu paasisimasaqarnerulersitsisoq.

Anguniagassatut takorluugaq 2021 - 2024



Nunarsuarmi anguniakkat 17-it ilai malillugit nr. 3 (Peqqissuseq atugarissaarnerlu) aammalu nr. 4) Ilinniartitaaneq pitsaassusilik), qitiutinneqartussatut toqqarneqarput.

Sulisut ullui

Marsi

Maajip 31-anni 2024-mi nunarsuarmi anguniakkanik anguniagalittut akuersissut pillugu isummer-soqatigiinneq.

Oktobari

Novembarip 1-iat 2024. 2021-2024-mi anguniagassatut takorluukkanik kiisalu siunnerfinnik nalilersuineq, suleqatigiillualersitsiniarnermut tunngasunik unikkallarnermi pinnguarneq ilanngullugu.

Pikkorissarnerit isumasioqatigiinnerillu

- Frederikkep "Nammineq pilersaarusiorneq – piffissaqarnerulerneq aamma ataatsimut isiginnissinnaaneq" peqataafigivaa.
- Ciceromi ujaasisarnermik illup iluaniinaq pikkorissaarneq
- Pillorissaasoq Sara J. Fleischer suliner-mi inissisimariaatsinik sulinut tamanut nassuiaavoq
- Groenlandica atuagaaqqat pillugit ataatsimut isumasioqatigiinnermut peqataavoq.
- Metadata pillugu Dansk Bibliotekscenter ataatsimeeqatigineqarpoq

- Nittartagaq pillugu Inlead ataatsimeeqatigineqarpoq
- Kommuniq aqqusinermi ujartuilluni angalaaqatigiivi
- Meeqqat inuusuttullu pillugit Katuap, Nuuk Centerip, kommunip politiillu ataatsimeeqatigiinneranut peqataaneq

TAKOQQUSAARUTIT	
AVIISIT	AMERLASSUSIAT
Sermitsiaq	5
AG	3
Suluk	2
Nuuk Ugeavis	24
Arnanut	2
Facebookikkut	12

Inoqatinut attaveqaatit

Ukiumi 2024-mi Nunatta Atuagaateqarfia Facebookikkut 122-nik ikkussisimavoq:

- toqqaannartumik aallakaatitsinerit 2-t
- atuakkanik takoqqusaarusiat 67-it
- aaqqissuussat 35-it
- atuisunut nalunaarutit 16-it
- saqqummersitsinerit 2-it

NITTARSAASSINEQ & INGERLATITSEQQIINEQ

Tusagassiutit

Januaarip 20-anni Unnuk Kultursiorfimmu at- tillugu attaveqaqatigiinnermik sulialik TV-ikkut aallakaatitassiami lileq-mi apersorneqarpoq. Ulloq taanna atuagaateqarfimmi pisortaq aamma KNR-radiop aallakaatitassiaani Inuus- howimi Unnuk Kultursiorfik pillugu apersorne- qarpoq.

KNR-radio immiussilluni Nunatta Atuagaate- qarfiani meeqqanut mikinernut (0-2 ukiulinnut) ussersorluni erinarsortitsineranut upernaakkut pulaarpoq.

Aggustip 17-anni Sermitsiap nittartagaati- gut Nunatta Atuagaateqarfia meeqqanut atuagaateqarfittaani mobilinik assigisaannillu septembarip 2-anni atuiffiujunnaarnissaa al- laatigineqarpoq.

Unnuk Kultursiornissamut atatillugu novem- barip 29-anni atuagaateqarfimmi pisortaq at- taveqaqatigiinnermillu suliaqartoq KNR-radiop aallakaatitassiaani Tamalaani apersorneqarput.

Tunniussisussaataaneq pillugu avammut nittar- saassineq

Groenlandica tunniussisussaataaneq pillugu plakatinik quppersagaaqqanillu ilusilersugaal- lutillu naqitanngortinneqarsimasunik sanatitsi- voq. Plakatit quppersagaaqqallu ussassaaru- siortartunit suliarineqarlutillu naqiterneqarput kingornalu sinerissami atuagaateqarfinnut pisortallu suliffeqarfiutaannut anginerusunut nassiussuunneqarput.

Tamatuma saniatigut tunniussisussaataaner- mut tunngasoq paasisitsiniaalluni filmiliaq ussassaarusiortartunit suliarineqarpoq. 2024-mi qaammatini pingasuni siullerni KNR TV-iik- kut ussassaarutigineqarpoq, Groenlandicap hashtagia #Tunniussisussaataaneq_Pligtafle- vering ilanngullugu.

ATUKKIUSSANUT KISITSISIT

Uani atugassatut pigisat atukkiussassallu kisitsisai takuneqarsinnaapput.

	2022	2023	2024
Atugassatut pigisat	59.259	56.561	55.147
Atukkiussat	13.805	13.354	14.018
eReolenikkut atukkiussat	6.374	4.528	5.849
Filmstribenimut atukkiussat	1.465	2.192	1.564*
Atukkiussat katillugit	21.784	20.074	21.431

*) Filmit aliikkutassiat pointinik sisamanut naatsorsugaapput.

Pigisat: 55.147-t. Taakkunannga kalaallisut allassimasut pigisat: 20.116-it (2024-mi januaarip aallartinnerani). 2024-mi kalaallisut allaqqasut 1.776-it atukkiunneqarsimapput.

2024-mi atugassaaticigineqartunit atugassaajunnaarsinneqartut 16.021-upput.

@Reolen

Nunatta Atuagaateqarfia atuakkanik qarasaasiarmiunik, naalaagassianik filminillu isissutissanik Kalaallit Nunaat tamakkerlugu periarfissiivoq.

2024-mi eReolenimi atukkiussat			
	2022	2023	2024
Atuakkat qarasaasiarmiut	1.605	1.622	1.848
Atuakkat naalaagassiat	3.160	2.778	3.780
aallakaatitassiat Podcastit	133	128	221
Atukkiussat katillugit	4.898	4.528	<u>5.849</u>

Atuakkat qarasaasiarmiut katillugit 1.848-t (inersimasut 1.313-it, meeqqat 535-t), atuakkat naalaagassiat 3.780-it (inersimasut 2.436-t, meeqqat 1.344-t), aallakaati-

tassiat Podcastit 221-t (inersimasut 215-it, meeqqat 6-t)

Ereolinimi atukkiussanut aningaasartuutit katillutik 51.990,94 kr.



Filmstriben

Filmit atukkiussat 1.564-it (2023-mi 2.192-it).

Filmstribenimi atukkiussanut aningaasartuutit: 28.278 kr. (2023-mi 31.725 kr.).

2023-mi filmstribenimi atukkiussat

	2023	2024
Filmit atukkiussat	2.192	1.564*
Katillugit:		<u>1.564</u>

*) Filmit aliikkutassiat pointinik sisamanut naatsorsugaapput.

TEAM SERVICE

Meeqqanut atuagaateqarfik mobilinik assigisaannillu atuiffiujunnaartipparput taamatullu aaqqissuussineq ingerlalluarpoq.

Meeqqanut takorluukkiat atuagarpaaluit qallunaatuut kasiilerpagut ilisiviillu inissaqarnerulerput. Inersimasunut atuakkat aalajangersimasunut tunngasorpaaluit qallunaatuut kasiilerpaguttaaq.

Meeqqat inersimasunik ilagisaqartigatik isersinnaatitaanerut ukiuisigut killilerneqarpoq. Meeqqat

4. klassit ataallugit klassillit inersimasunik ilagisaqartigatik ateqarfinniissinnaajunnaarsinneqarput.

Meeqqueriviit agginnginnerminni nalunaaqqaartussaataalerput. Tamanna meeqqanut atuagaateqarfiup ulikkaarpallaannginnissaanik pinngitsoortitsiniarneruvoq.

2024-mi Matu Security qulingiluariarlu-ni toqqaannaq attavigineqarsimavoq. Nalinginnaasunik alakkaasernerisa saniatigut taakku pippat.

Ammanerup avataatigut meeqqerivinnik atuartunillu sullissineq

Meeqqerivik Mikisoq: 5

Internationale Friskole: 1

9. klasse: 1

Katillutik 7-iupput

TEAM OPELEVELSER

Pingaarnerit

Ukioq 2024 Unnuk Kultursiornermik alutor-nartumik januaarip 20-anni aallartinneqarpoq. Unnukkut matut ammarneranniit kalattoortitsinitsinnut Pele Møller Bandikkullu appisimaarnerinut 1100-nit amerlanerusut isersimapput. Unnuk Kultursiorfiup caféa pisarnek malillugu kaageqarpoq kaffejarlunilu. Isertuniit sulisuniillu nuannersunik utertitsiffigineqarpugut – kiisalu naliliinermi aqqissuusseqqikkumaar-nissamut pitsanngorsaatissanik pissarsilluta.

2024-mi meeqqanut inersimasunullu aqqissuussinerit angissutsimikkut assigiinngitsunik 27-t ingerlanneqarput. Upernaap ingerlanerani qaammatit sisamat sinnerlugit meeqqanut mikisunut qaammammut ataasiarluta ussersorluni erinarsuutit atorlugit erinarsortitsisarpugut kiisalu pingasunngornerit tamaasa meeqqanut sulliveqartitsisarluta. Tamatuma saniatigut inimi saqqummersitsisarfiusumi marlunnik saqqummersitsivugut: Meeqqat Ulluanni meeqqat qalipassimasaannik saqqummersitsisoqarpoq, taallugu "Nunaga" kiisalu Pizarraña spaniamiu eqqumiitsuliani digitalinngorlugit saqqummersippai saqqummersitsineq atserlugu "Qivittoq".

Suleqatigiit taarsaannikuupput suleqatigiinni aqutisup Nunatta Atuagaateqarfia februaarimi qimappaa suleqatigiillu aatsaat oktobarimi tamakkiisunngoqqillutik. Taamaattumik Nunatta Atuagaateqarfiani suleqatigiit sinnerisa akulerutsinnissaat aqqiissutissatut qitiutinneqartorujussuunikuuvoq. Tamatuma saniatigut atuagaateqarfiup politikkiata iluaniittut avataaniit saaffiginnittut (sapiingisamik) ta-

maasa akuerisarnissaat aalajangersimasumik malitassanngortinneqarpoq. Aaqqissuussani 26-usuni 14-it aqqissuusserusullutik avataaniit saaffiginnittunit nammineq aqqissuussamik imarisaa isumagalugu aqqissuussat piviusunngortinneqarput. Tamatuma saniatigut ussersorluni erinarsortitsinermik aqqissuussinerit avataaniit ingerlanneqartut aqqissuunneqarput.

Aaqqissuussat peqataaffigineqarnerpaat tassaapput:

Marsi	Marsimi ullormi isiginnaartitsiffiusumi alersinik inuusaliortuni nammineq isiginnaartitsisarfeeraliami pinnguarnek meeqqanit angajoqqaanillu 30-t missaanniittunit peqataaffigineqarpoq.
Aprili	Aprilimi ullormi hesterfissuarmi meeqqat angajoqqaallu 50-it missaanniittut pinnguamik hestiusaliortut namminerlu isiginnaartitsisarfeeraliami pinnguarlutik.
Maaji	Maajimi aqqissuussami Suialaami qilaatersortoqarluni, torlorsortoqarluni, qullermik ikitsisoqarluni, toqqaannartumik aallakaatitsinermi ilusilersukkat aallakaatinneqarlutik Suialaa Arts Festivalertoqartogarnissaalu pillugu saqqummiussisoqarpoq. Inersimasut 50-it missaanniittut najuupput toqqaannartumillu internetikkut malinnaasut amerlanerullutik.
Juuni	Juunimi meeqqat ulluanni meeqqat 53-it missaanniittut nunartik qalipappaat – kingorna juuni tamaat saqqummersitsisarfinni saqqummersinneqarput.
Aggusti	Aggustimi Greenland Seaweed peqatigalugu qeqqussat pillugit oqalugiartitsisoqarnerani qeqqussat nerisassiornermi qanoq atorineqartarneri pillugit atuagaateqarfimmut inuit 30-t missaanniittut alakkarterput.
Septembari	Septembarimi Arctic-Nordic Small Languages Writers Festivalertoqarnerani Kelly Berthelsen peqatigalugu atuakiortumik isummersoqateqarneq (forfattertalk) ingerlanneqarpoq, inunnik 30-t missaanniittunit kajunngutigineqarluni najuuffigineqarluni.

Oktobari Oktobarimi Katrine Rasmussen Kielsen aamma Birgitte Reimer peqatigalugit qiaammernartunik oqaluttuaqattaattoqarluni Ersinartulersaanneq ingerlanneqarpoq.

Novembari Novembarimi Bamsip nalliunnera meeqqanit angajoqqaanillu 100-nit ikinerunngitsunit peqataaffigineqarluni meeqqanut atuagaateqarfimmi ingerlanneqarpoq, kagemandeqarluni, safteqarluni nuannersunillu suliaassartallinnik pinnguatoqarluni.

Novembarimi juullimut qiortaatsineq inunnik 30-nit (inersimasut aamma meeqqat) najuuffigineqartoq tipaatsunnartumik qiortaasunit najuuffigineqarpoq.

Aaqqissuussanik piviusunngortitsiniarnermi inuit attaveqatigiittarnerannik avatangiisillu piujuaan-nartinneqarnissaannik qitiutitsinermi najukkami suleqatigisartakkat sapinngisamik suleqatigineqartarnerat erseqqereerpoq. Taamaattumik aaqqissuussat arfiniliinnaat kalaallisut oqaaseqartuunngitsunit aaqqissuisunik suleqateqarluni ingerlanneqarput. Taakku aaqqissuisut namminneq saaffiginninnerannit aallaaveqarput namminnerlu Nuummuk angalanermisunik najuqaqarnerminnillu akiliinikuupput.

Meeqqanut atuagaateqarfiup mobilinik assigisaannillu atuiffiunngitsoq aamma sammisassaqaartitsinermit sullivik

Ukioq manna meeqqanut atuagaateqarfimmi mobilinik assigisaannillu atuiffiunngitsoq aamma sammisassaqaartitsinermit ingerlanneqarpoq, mobilit tabletillu meeqqanit inersimasunillu atornissaat inerteqqutaalerluni. Sullivimmi assassorneq soqutigineqarneruleralluunngitsoq oktobarimi Suleqatigiit Sullissivimmut ingerlatsineq tunniunneqarpoq.

Meeqqanut atuagaateqarfimmi nutaamik pitsaannerusumillu atugassaqaartitsinerup kinguneranik inersimasut amerlanerusut meeqqanut atuffassisalerput kiisalu meeraqatigiikkaat nutaat pinnguaatinik pinnguarterlutik, assassortalerlutik imaluunniit atuarterlutik. Taamaattumik pitsaassusilimmik sanalunnermik sammisassaqaartitsinissaq skærmip saavaniinnissaminngaanniit qitiutinneqarluppoq. Taamaammat meeqqat pingasunngornikkut assassortalerlutik suliaqarujortarnerat meeqqat namminneq ujartuineranni ulluni allani aamma neqeroorutigisalerparput imaluunniit pitsaasumik aallartisarneqarnissartik pisariaqaartissimagaat malugisimavarputtaaq.

2024-mi meeqqanut atuagaateqarfiup pis-sanganartuunissaanut piffissangaatsiaq atorsimavarput. Marsimi meeqqat mannin-nik angisuunik igalaanut nivinngagassanik qalipaaqatigivagut, soorluttaaq nunarsuaq tamakkerlugu isiginnaartitsisarnerup ulluanut atugassamik isiginnaartitsiveeqqamik sanasugut. Oktobarimi quilertanartuliorpugut ilaatigut teqeqquni nissavaarsuup nigalainik ilisilluta, sumi tamaani aasiannik ilioraalluta meeqqanullu atuagaateqarfiup qeqqanut ilivermik assammik saanikuliartallimmik ilisilluta. Novembarimi juullimut pinnersaaneq aallartisarneqarpoq decembarilu tamaat pinnersaaneq ingerlanneqarluni aamma pujoorfik kissarsuullu ammaannartoq nammineq sanaat ilaapput, "atuakkat tunissutissat" amerlalaartut poortorneqarput kiisalu 209 meteri siaarsartoq Nunatta Atuagaateqarfiata quleriisup ataani qilaavanut tamarmut nivinngarneqarluni. Meeqqanut atuagaateqarfimmi suliniutinik susassaqaartitsinermit sapinngisamik meeqqat akuutinneqarput.



Atuakkialerinermi paasis- sutissanik ingerlatitseqqii- neq

Ukiup ingerlanerani suleqatigiit pitsaasumik atuakkialerinermi paasisutissanik ingerlatitseqqiinernik pisarneq malillugu pilersitsinissartik suliniutiginikuuaat, taamaammat atuakkat saqqummersitat akulikitsumik taarserneqartarput. Ullunik malunnartitsinermut allattorsimaffimmik pilersitsisoqarpoq, plakatit angissusiinik aalajangersimasunngortitsisoqarpoq aamma takutitsinernut atortussamik kiisalu Facebookimi allagarsiinermut atasumik taamaattumik pilersitsisoqarluni. Suleqatigiit Misigisassarsiortitsisut aamma Suleqatigiit Nunarput suleqatigiilluarnerisigut atuakkanik kalaallisuunik takutitsisarneq pilersinneqarluarpoq.

Ukiullu ingerlanerani atuakkanik nutaanik kikkunnut tamanut saaffiginnittunut saapatip-akunneranut aalajangersimasumik marloriarluni allagarsiisarnissaq pilersinneqarportaaq.

KNR Radiukkut "Atuakkeritooq"-mi atuakkat saqqummiunneqartut Suleqatigiit Nunarput suleqatigalugit sapaatip akunnikkaartumik aalajangersimasumik ilusilikkamik saqqummiunneqartalerput. Saqqummersitsinerit Suleqatigiit Nunarpumit ingerlanneqartarput.

Septembarimi atuakkanut soqutigineqarluartunut allattorsimaffik nunarsuaq tamakkerlugu atuarternerup ulluanut atatillugu saqqummerseqqinneqarpoq, marlunnik allattorsimaffinnik ukuninnga ilallugu meeqqanut inuusuttunullu atuakkat takorluukkiat aamma siunissaler-saarutit.

Nunatta Atuagaateqarfiata Instagrameqaler-nissaa sivitsulersumik kissaatigisimasarput

decembarimi pilersipparput. Kalaallisut qal-lunaatullu atuakkialerinermi paasisutissanik ingerlatitseqqiisarneq qitiutinneqarnerussaaq. Inersimasunut atuakkanik paasisutissanik ingerlatitseqqiisarneq 2024-mi malunnaateqar-luarpoq, taamaattumik siunissami inuusuttunut meeqqanullu atuakkialerinermi paasisutissa-nik ingerlatitseqqiisarnissamut ilutsit suut tullu-arnersut takussavagut. Tamatumani inuusuttut kiisalu meeqqat angajoqqaavi angunissaannut Instagram sakkussatsialaavoq pissanganartoq.

Piorsarsimassutsikkut at- taveqaqatigiiffik festivali- mullu piareersarneq

Suialaa Arts Festivalip 2024-mi programmissamut atatillugu ataatsimiisitsinerinut tamanut peqa-taavugut. Festivalip suussusiata nalilersoqqin-neqarneranut Nuuk Nordisk Kulturfestivalimit Suialaa Arts Festivalinngoriartugaarneranut suleqataavugut. Nunatta Atuagaateqarfiata oktobarimi 2025-mi programmissaa pillugu aaqqissuisunik ataatsimeeqateqarnikuuvugut. Tamatuma saniatigut Suialaa Eventertitsinermi Nunatta Atuagaateqarfiani festivalertoqartip-parput, festivalip atertaassaa, suussusia lo-gossaalu aallartinnermi – minnerunngitsumillu naleqartitat saqqummiunneqarlutik.

2024-mi najukkami piorsarsimassutsikkut attaveqaqatigiiffik pilersinneqarpoq, uagutsin-nit, NAPA-mit, Nunatta Isiginnaartitsisarfanit, Katuamit kiisalu Kommuneqarfik Sermersuumit kajumissaarneqarnerup kinguneranit. Kommu-neqarfik Sermersooq attaveqaqatigiinnermik ingerlatseqquneqarpoq attaveqaqatigiillu pingasoriarlutik ataatsimiipput, najukkami kultu-rilerisut kiisalu allat attuumassutillit peqataatin-neqarlutik.

Illoqarfimmi kulturilerisut pitsaasumik atugas-

saqartippagut aamma arlaleriaq aqqissuussinerit ingerlanneqartarneri pillugit eqqarsaatigineqartarsimapput.

Arctic Art Book Fair

Issittumi atuakkanik 2025-mi saqqummersitsisinnaaneq pillugu Tromsømeersut Tanye Busse aamma Marion Bouvier Mondo Booksimeersut aallaqqaataasumik suleqatigiissinnaaneq pillugu oqaloqatigeqqaarpagut. Atuakkanik saqqummersitsinissaq Nordisk Kulturkontakti-mit pingaarnertut aningaasaliiffigineqarpoq. Oktobarimi Tanyamit Marionimillu pulaarneqaratta ataatsimoorluta piareersaasiorpugut kiisalu Nuummi attaveqarfissanik ujaasinerannik ikorfartorlutigit. Taakku illoqarfimmi susassaqtunut tamanut ilisaritinneqarput.

Suleqatigiit Misigisassarsiortitsisunit ukioq manna kingusinnerusukkut atuakkanik saqqummersitsivissaq qulakkeerneqarpoq, tassaassalluni eqaarsaartarfitoq C.E. Jansenip aqutaaniittoq, issittumi eqqumiitsuliornikkut atuakkianik atuakkialerinemullu tunngasunik ukkataqarluni saqqummersitsinissamut kusanartumik sinaak-kusersuisoqassalluni.

Repair Café Nuuk

Oktobarimi qinnuteqaat Kommune-qarfik Sermersuumi Najukkanut Ta-piissuteqartarfimmut nassiunneqarpoq illoqarfimmi innuttaasunit tamanit iserfigisinnaanngorlugu neqeroortigineqartussamut Repair Cafép pilersinneqarnissaanut 46.500 koruuninik aningaasaliisoqarpoq. Suliniut pilersaarutit malillugit Repair Café qaammammut ataasiarluni ammatin-neqartartussatut pilersaarutigineqartoq 2025-mi piviusunngortinneqartussann-gorluni.



2024-mi aaqqissuussanut allattorsimaffik

Ulloq	Aaqqissuussat	Saaffigisat
20. januaari	Nunatta Atuagaateqarfiani Unnuk Kulturisiorneq	TAMANUT
7. februaari	Anaalerivissiorneq qortaatitsineq	MEEQQANUT
20. februaari	United World College pillugu saqqummiineq	INUUSUTTUNUT
20. + 23. marsi	Påskimut qortaatitsineq	MEEQQANUT + INERSIMASUNUT
27. marsi	Ulloq isiginnaartitsiffiusoq (teaterdag)	MEEQQANUT
20. aprili	Ulloq hesterfissuaq	MEEQQANUT
23. aprili	Atuaqatigiinneq (Nunarsuarmi atuakkat ulluannut atatillugu kaffe akeqanngitsoq ilanngullugu)	INERSIMASUNUT
3. maaji	Suialaa Event	INERSIMASUNUT
6. maaji	Isiginnaartitsineri soqutiginartumik katerinneq	INUUSUTTUNUT
7. maaji	Atuaqatigiinneq	INERSIMASUNUT
23. maaji	Nunarsuaq tamakkerlugu mobileqanngiffiup ulluani meeqqanut atuagaateqarfimmi mobilinngiffik	MEEQQANUT
1. juuni	Meeqqat ulluanni qalipaaqatigiinneq	MEEQQANUT
10. juuni	Meeqqat qalipagaannik saqqummersitsineq	MEEQQANUT + ANGAJOQQAANUT
13. juuni	Nordisk Koncertkorip meeqqanut tusarnaartitsinera	MEEQQANUT
27. juuni	Piviusulersaarutip takutinneqarnera aamma Nunatta Danmarkillu akunnerminni oqaluttuarisaanerannik oqallitsitsineq	INERSIMASUNUT
23. agosti	Greenland Seaweed peqatigalugu qeqqussat pillugit oqalugiartitsineq	INERSIMASUNUT
24. agosti	Nutaaliornermik sulliveqartitsineq aamma Aqqaluks Pladsip eqqaani Aasarpalaartitsisoqarnerani skakertitsineq	ILAQUTARIINNUT
14. + 18. septembari	Sara Fleischer peqatigalugu meeraaqqanut uummarissaanertalimmik susasaqartitsineq	MEEQQANUT
19. septembari	Atuakkiortup Kelly Berthelsenip unnussiuuaqatigine- ra	INERSIMASUNUT

TEAM OPLEVELSER

20. septembari	Atuakkiortup saamip Beate Heidep atuffassinera	MEEQQANUT + INERSIMASUNUT
1. oktobari	Katrine Kielsen Rasmussen aamma Birgitte Reimer peqatigalugit ersinartulersaarunneq	INERSIMASUNUT
8. oktobari	Attaveqaaqatigisartakkallu Arctic Art Book Fairimut piareersaasioqatigiinneq	INERSIMASUNUT (attaveqaaqatigiinneq)
9. novembari	Meeqqanut atuagaateqarfimmi bamsip nalliutsinneqarnera	MEEQQANUT
14. novembari	Nunat Avannarlerneersut atuagaataannik sapaatip akunneqartitsinermut atatillugu taarsiarsaartalerne-rani nunat avannarliit oqaasiinik atuffassineq	INERSIMASUNUT
30. novembari	Ilaqutariinnut juullimut qiortaatsineq	FAMILIER

2024-mi avataaniit saaffiginnittunut allattorsimaffik

Saaffiginnittut	Sammissaq	Illoqar-fimmiit nammineq aaqqis-suusserusuttut	Sulerineq	Piffissaq
Pizarraña	Qarasaasiakkut saqqum-mersitsineq, titartaganngor-lugit suliart		Saqqummersitsisarfimmi saqqummersitsineq	12.-31. okto-bari 2024
Denise Schroeder	Meeqqanut mikisunut us-sersorluni erinarsorneq	aap	Denise meeqqanut mikis-unut sisamariarluni eri-narsortitsivoq	3. februaa-ri, 2. marsi, 6. aprili, 4. maaji
Asta Nuka Gabrielsen	United World College Nor-gemiittoq pillugu saqqummii-neq		Asta pitsaasumik saqqum-miussivoq	20. februaari
Tupaarnaq Ingemann	Inuttut ineriartorneq pillugu saqqummiinissamik neqero-oruteqarneq	aap	Aningaasaqarnerup inissi-simaneranik ilisimasaqann-ginneq pissutigalugu suli paasinarsinngilaq	
Arctic Art Book Fair	Nuummi Suialaartitsisoqar-nerani atuakkanik saqqum-mersitsineq		Pilersaarusiorneqarnera ingerlavoq	23.-26. Okto-bari 2025

Einar Már Guðmundsson	Suialaamut nipilersortartut aamma taallíortut/atuakkíortut		Festivalertoqarnissaanut susoqassanersoq suli inis-sinneqanngilaq, taamaattumik suli nalunarallarpoq	
TeaterGRAD	Soqutiginartumik katerinner-mi Naalagaaffeqatigiinneq pillugu isiginnaartitsissut		Isiginnaartitsinerit pingasut saqqummersitsineq ilanngullugu	6. maaji
Suialaa Arts Festival	Suialaa Event	aap	Inersimasunut atuagaate-qarfimmi aaqqissuussineq	3. maaji
Læsefor-eningen	Inersimasunut atuffassineq - siulersorneqarluni atuaqatigiinneq	aap	Atuartaarfimmi atuarnermut tunngasunik marlunnik aaqqissuussineq	23. apríli + 7.maaji
Seaweed Greenland	Qeqqussat pillugit saqqummiineq	aap	Qeqqussanik nerisaqartar-neq pillugu saqqummiineq – siornatigut ullumikkullu	23. aggusti
Ós Pressan	Avannaamioqatigiit oqaluttu-arnermik suliniutaat		Januaarimi 2025-mi Unnuk Kultursiorfittoqarnissaani pisussaq	15. januaari 2025
Nordisk Koncertkor	Meeqqanut tusarnaartitsineq	aap	Meeqqanut atuagaateqar-fimmi tusarnaartitsineq	13. juuni
Elki Sharrow	Piviusulersaarutip takutinne-qarnera aamma oqallinneq		Piviusulersaarummik takutitsineq	27. juuni
Nuummi Eqqumiit-sulianik saqqummersitsivik	Nuka Godtfredsenip saqqummersitsinera	aap	Akueraarput, Nuka akissii-varput	
Atuakkíortut peqatigiiffiat	Atuakkíortup Kelly Berthel-senip oqalugiarnera	aap	Atuakkíortumik oqalugiar-titsisoqarpoq	19. septem-bari
Atuakkíortut peqatigiiffiat	Atuakkíortup saamiusup Be-ate Heidep pulaarnera		Meeqqanut atuffassineq	20. septem-bari
Kompagni Kalas	Isiginnaartitsineq aamma paasisassarsioqatigiinneq		2025-mi isiginnaartitsinis-samut aningaasaliissussat utaqqimaarneqarput	
Wilbur Sar-gunaraj	Suialaartoqarnerani Cultural intellingence pillugu paasis-assarsioqatigiinneq		Paasisassarsioqatigiinnis-saq Suialaamut isumaqati-giissutigineqarpoq	23.-26. okto-bari 2025
Sara Jilsø Fleischer	Meeraaqqanut uummarissa-aneq	aap	To pop-up events ingerlan-neqarpoq	14. og 18. septembari
Nunat Avannarlermioqatigiit NAPA	Nunat Avannarlernesut atua-gaataannik sapaatip akunneqar-titsineq	aap	Nunat Avannarlerni oqaatsit arlallit atorlugit atuffassiner-mik aaqqissuussineq	14. novembari
All About A	Meeqqanut illussanik titarta-asarnermik paasisassarsiortits-ineq		2025-mi upernaakkut aningaasaliinissaq utaqqine-qarpoq	
Pinngortitaleriffik	Ilaqutariinnut sermit iigartartut pillugit aaqqissuussineq	aap	2025-mi januaarimi ingerlan-neqassaaq	

2024-mi paasissutissanik ingerlatsitseqqittarnermut allattorsimaffik

Ulloq	Ukununnga tunngasut	Saaffigisat
21. februari	Ilitsoqqussaralugu oqaatsit ulluat	IN. + MEEQ.
8. marsi	Nunarsuaq tamakkerlugu arnat ulluat	IN.
27. marsi	Ulloq isiginnaartitsiffiusoq	IN. + MEEQ.
7. aprili	Peqqissuunermut ullorititaq	IN.
23. aprili	Nunarsuarmi atuakkat ulluat	IN. + MEEQ.
7. maaji	Silamiinnermut tunngasunik atuakkanik saqqummersitsineq	IN.
12. maaji	Anaanat ulluat	IN. + MEEQ.
23. maaji	Nunarsuaq tamakkerlugu ulloq mobileqanngiffik	IN. + MEEQ.
25. maaji	Timmissat ulluat	IN.
17. juuni	Nunami naasut ulluat	IN.
25. juuni	Nunarsuaq tamakkerlugu smølfrit ulluat	IN.
15. aggusti	Atualeqqaarneq	IN. + MEEQ.
6.-30. septembari	Septembari Sungaartoq (Yellow September)	IN.
8. septembari	Nunarsuaq tamakkerlugu atuarternerup ullua	IN. + MEEQ.
9. septembari	Kangerluit ulluat	IN.
27. septembari	Ujarassiornerup ullua	IN.
1. oktobari	Aliortugalersaarutit	IN. + MEEQ.
4. oktobari	Nunarsuaq tamakkerlugu avataarsualerinerup ullua	IN. + MEEQ.
10. oktobari	Nunarsuaq tamakkerlugu eqqarsartaatsikkut peqqissuunerup ullua	IN.
16. oktobari	Nerisassanut nunarsuarmi ullorititaq	IN.
22. oktobari	Nunat Avannarliit atuakkiortunut nersornaasiuttagaa (kalaallit innersuussaanikut + nersornaatisisut)	IN.
3. novembari	Nunarsuaq tamakkerlugu manganut ullorititaq	INUUS.
5. novembari	USA-mi qinersineq	IN.
11. novembari	Nunani Avannarlerni silap pissusiata ullua	IN.
15. novembari	Aalisartut piniartullu ulluat	IN.
22. novembari	Atuakkat juullerpaluttut	IN. + MEEQ.
25. novembari	Nunarsuaq tamakkerlugu Arnanut persuttaasarneq akiornarlugu ullorititaq	IN.
28. novembari	Nuummi mittarfittaarsuup ammaanersiorneqarnera	IN.
10. decembari	Inuit pisinnaatitaaffiisa ulluat	IN.
11. decembari	Nunarsuaq tamakkerlugu nunarsuarmi qaqqat ulluat	IN.
19. decembari	Atuakkat inngilinut anersaarsiornermullu tunngasut	IN.

TEAM NUNARPUT

2024-mi kalaallisut atuakkanik pisinermi aningaasartuutit

Kalaallisut atuakkanut atuagarsiniutissat 600.000,00 koruuniupput. 500.689 koruunit kalaallisut atuakkanut atuagarsiniutigineqarsimallutik.

Ukiup siulianut 2023-mut sanilliullugu kalaallisut atuakkanik atuagarsineq annertuseriarsimavoq. Tamatumunnga patsisaavoq kalaallisut atuakkat saqqummertartut ukiuni kingullerni amerliartornerat.

Kalaallisut atuakkanik nassiussisarnermut atatillugu Nunatta Atuagaateqarfiata BibMediallu nutaamik isumaqatigiissu- siornerat

Ukiorpaalunni Nunatta Atuagaateqarfiata anguniartarsimavaa kalaallisut atuakkat ungalulersortitassatut BibMediamut nassiunneqartartut ungalulersorneqareersut sukkanerusumik akulikinnerusumillu Kalaallit Nunaata sineriaani atuagaateqarfinnut agguassorneqartarnissaat. Tamanna anguniarlugu Nunatta Atuagaateqarfia BibMediallu 2024-mi isumaqatigiissusiorput ukiup ataatsip iluani minnerpaamik sisamariarluni kalaallisut atuakkat ungalulersortitat Danmarkimit nunatsinnut nassiunneqartassasut.

Atuakkat Nunatta Atuagaateqarfiata pisiassaatisai

Nunatta Atuagaateqarfia kalaallisut atuakkanik imaluunniit kalaallisut oqaatsit oqaatsillu allat atorlugit atuakkiaasunik sinerissami atuagaateqarfinni atugassatut ungalulersugaasunik pisiassaateqarpoq. Taakkua atuakkat pisiassaatigineqartut Nunatta Atuagaateqarfianiittuutigineqarput.

Siornatigut sinerissami atuagaateqarfiit kisimik Nunatta Atuagaateqarfiata pisiassaatigisaanik pisisinnaatitaanikuupput. 2024-mi tamanna allanngortinneqarpoq suliffeqarfiit atuagaateqarfiit, ilinniarfeqarfiit, Qallunaat Nunaanni Kalaallit Peqqissartut Illuat Danmarkimilu napparsimavissuaq Rigshospitalet pisinniarsinnaatilerlugit. Taamatut aalajangertoqarpoq sinerissami atuagaateqarfinnit Nunatta Atuagaateqarfiata pisiassaataannik pisisoqartarnera akuttummat. Atuakkat atorluarneqarnissaat anguniarlugu tamanna eqqunneqarpoq.

Atuakkanik Nunatta Atuagaateqarfiata pisiassaatigisaanik misissuineq

Atuakkat Nunatta Atuagaateqarfiata pisiassaatigisai misissoqqissaarneqarput. Lagerlistedatabasimut toqqorsivimmiittunut allattorsimaffinnut databasimiittunut paasissutissanik isaatitsinermi suut ilanngutinngitsoorneqarsimanersut qassikkaartullu pisiassaatigineqarnersut misissorneqarput.

Sinerissami atuagaateqarfinnut kalaallisut atuakkanik nassiussisarneq

Qallunaat Nunaanni silaannakkut imaatigullu assartuisartut NTG Air & Ocean Usisaatikkullu suleqatigiinnikuugaluarput tamannali 2024-mi atorunnaarpoq. NTG Air & Oceanip Arctic Transportikkunnik suleqateqalersimapput.

Nunatta Atuagaateqarfiata Usisaatikkunnik suleqateqarnini attatiinnarpaa akunnerminni suleqatigiinnissamik isumaqatigiissuteqareera-mik suleqatigiilluarnertu piummat.

Usisaatip kalaallisut atuakkat sinerissami atuagaateqarfinni atugassatut ungalulersortitat sinerissami atuagaateqarfinnut nassiussuunne-qartarneri isumagisaraa.

Kalaallisut atuakkanik pisisarneq

Kalaallisut atukkanik pisinermi amerlassusi-liisarneq allanngortinneqarpoq. Ukiut siuliini kalaallisut atuakkanik nutaanik pisinermi amer-lassusileeriaaseq annertuneruvoq, kalaallisut atuakkanut inersimasunoortunut 80-inngorlugit pisisoqartarnikuulluni meeqqanullu kalaallisut atuakkanut 85-inngorlugit pisisoqartarnikuulluni. 2024-mi kalaallisut atuakkanut pisinermi amer-lassusileeriaaseq 72-inut appartinneqarpoq. Ta-manna meeqqanut kalaallisut atuakkanut iner-simasunullu kalaallisut atuakkanut atuuppoq. Appaanermut patsisaavoq siuliani eqqaaneqa-reersoq atuakkanik Nunatta Atuagaateqarfiata pisiassaatigisaanik pisisarneq akuttummat. Atuakkat ikinnerusut Nunatta Atuagaateqarfiata pisiassaatigisassaattut pisiarineqartalerput.

Nunatta Atuagaateqarfiata ukiumoortumik atuakkiortumik malunnartitsisarnera

Novembarip qaammataani atuakkiortumik malunnartitsinissaq pisussaagalarpoq tamannali 2025-mut kinguartinneqarpoq. Malunnartinneqartussa qassaavoq atuak-kiortoq Dorthe Nathanielsen.

Atuagaateqarfimmiittuutisiaqarneq

Ukiut siuliinisut 1.170.000 koruunit atuagaate-qarfimmiittuutisiaasatut Inatsisartut aningaasa-nut inatsisaanit immikkoortinneqarsimapput.

Atuagaateqarfimmiittuutisiaqarusullutik qinnute-qarsimasut 73-iupput.

TEAM GROENLANDICA

Groenlandica

Groenlandicap nunarput inuilu pillugit atuagaateqarfiusup nunatsinni saqqummersinneqarsimasunik imaluunniit kalaallisut saqqummersitanik apeqqutaatinnagu sumi nunami saqqummersinneqarsimanersunik katersineq, nalunaarsuineq kinguaassatsinnullu piujuaannartitsineq pingaarnertut suliassarivai.

Nunap inuisalu eriagisassatut katersugaataannut tunniussisussaataaneq aqqutigalugu ilisimatusarnermullu tunngasunik katersilluni pisiniarnikkut katersineq ingerlanneqartarpoq. Saqqummersimasut tamanit ujarneqarsinnaangortinniarlugit nalunaarsuineq ingerlanneqartarpoq ininilu ikuallattoornissamut isumannaallisakkani marluusuni immikkoortillugit kinguaassatsinnut piujuaannartussanngortinniarlugit inissinneqartarlutik.

Tunniussisussaataaneq

Atuagaateqarfiit pillugit Inatsisartut inatsisaat malillugu Nunatsinni tamanut saqqummersinneqarsimasut tamarmik tunniunneqartussaapput. Tunniunneqartussaataasut Groenlandicap nunap inuisalu eriagisassatut katersugaataannut inissinneqassapput, Nunatta avataani saqqummersinneqarsimasut kalaallisut allatat ilanngullugit.

2024-mi Groenlandicap tunniussisussaataanerup paasinarninngornissaa ilisimaneqarnerulernissaalu anguniagaqarfigivai. Saqqummersitsisartut amerlasuut tunniussisussaataaneramik ilisimasaqannginnerannik tamanna pissuteqarpoq. Siusinnerusukkat saqqummersitsereersimasuusinnaapput saqqummersitseqqammersuusinnaallutilluun-

niit. Suliffeqarfiit sulisuisa taarseraattarneranni Groenlandicamut tunniussisussaataaneq ilaatigut unittartuq takusarparput suliffeqarfiillu pisussaaffimminnik naammassinnissinnaanerat tunniussisussaataanerup pisarnertut pitsaasumik ingerlasinnaanera ajornakusoorsinnaavoq.

Soorunalimi tunniussisussaataanerminnik ilisimasaqartunik saqqummersitsisartoqarpoq aamma tunniussiuannartunik.

Tunniussisussaataaneq pillugu avammut nittarsaassineq

Groenlandica tunniussisussaataaneq pillugu plakatinik quppersagaaqqanillu ilusilersugaallutillu naqitanngortinneqarsimasunik sanatitsivoq. Plakatit quppersagaaqqallu ussassaarusiortartunit suliarineqarlutillu naqiterneqarput kingornalu sinerissami atuagaateqarfinnut pisortallu suliffeqarfiutaannut anginerusunut nassiussuunneqarput.

Tamatuma saniatigut tunniussisussaataaner-mut tunngasoq paasisitsiniaalluni filmiliaq ussassaarusiortartunit suliarineqarpoq. 2024-mi qaammatini pingasuni siullerni KNR TV-iik-kut ussassaarutigineqarpoq, Groenlandicap hashtagia #Tunniussisussaataaneq_Pligtafler-ing ilanngullugu.

Tunniussisussaataaneramik paasisitsiniaanerup sunniutigivaa emailikkut, oqarasuaatikkut aamma ornigullutik paasiniaasut amerlaninngorneri.

2024-p naalernerani tunniunneqartussaataasunut tunngasut emailikkut allakkat nassiunneqartartut assigiissaarneri naammassipput. Ilusilersorlugu ilioqqarnera nutaaq oqaasertaalu paasiuminarsakkat kiisalu quppersagaaraq kakkiutissapput.

Atuakkat

2024-mi 132-t qulequttat/atuakkiat atuakkatut, ukiumut nalunaarutitut ilinniusiatut assingusullu tunniunneqarsimapput. Taakkunani 15-it missa-anniittut atuagaaqqatut nalunaarsugaapput.

Groenlandicap saqqummersitat nakkutigai, ima paasillugu DBC-imi (Dansk Biblioteks Center) sapaatip akunneranut saqqummertut allattorsimaffiannik misissuisarpugut, atuagaarniat saqqummersitaannut allattorsimaffik misissortarparput, kalaallit aviisii misissortarpagut aamma saqqummersitsiviit toqqaannaq attaveqarfigisarlutigit.

Atuagaaqqat Småttryk

2024-p naanerani Groenlandica aalajangerpoq Det Kongelige Bibliotekip kiisalu allat nunat avannarliit atuagaaqqanik nalunaarsueriaasiat tunaartaralugu suliaqalerniarlutik. Taamaattumik 2024-p naanerani atuagaaqqat tunniunneqarsimasut immikkoortinnagit nalunaarsuisoqarpoq. Atuagaaqqat ukiui malillugit karseeqqanut syreqanngitsunut immikkoortiterneqarlutik toqqortaatigineqarlutik kinguaassatsinnut piujuaannartussanngortinneqassapput aamma kingusinnerusukkut

sammisanut immikkoortiterneqarumaarlutik. Atuagaaqqat atuagaateqarfiup nalunaarsuiffianut nalunaarsorneqassanngillat.


Aviisit atuagassiallu (periodika)

Ukiup ingerlanerani Arnanut aamma Sivdleq saqqummersinneqartarunnaarput.

2024-mi tunniunneqartussaataasutut nalunaarsorneqarsimasut tassaapput: Arnanut (unitsinneqarnissaa tikillugu), Atuagagdliutit, Atuagassiaq Kalaaleq, Nakorsanut, Napasuliaq alapernaarsuiffik, Nuuk ugeavis, Sermitsiaq aamma Suluk.

Groenlandicap saqqummersitat tamakkerlugit saqqummersitsisuninngaanniit pissarsiarinissaasa ajornakusoornerat siullermeersumik misigivaa. Saqqummersitsisut suleriaasiisa allanngornerannik pissuteqarpoq. Saqqummersitat tamarmiusut pissarsiarinngitsoorneqarnerannik kinguneqarpoq.

2023-2024-mi juullip ukiortaallu akornanni atuisunut matoqqanitsinni torersaavugut atuagaateqarfimmilu inimi tamanut ammatitamiittunik aviisinik atuagassianillu iluarsaassivugut.



Ilisimatusarnermut tunngasunik katersineq

Groenlandica tunniunneqartussaataasut sarniatigut ataatsimik atorniarneqarsinnaasumik pisisarpoq. Erseqqissaatigeqqissavarput tunniunneqartussaataasut tamarmik atugassann-gortinneqarneq ajormata.

Kalaallit Nunaata avataani kalaallisut allaqqa-sunik atuakkanik saqqummersitsisoqaraan-gat Groenlandicap aamma sisamanngorlugit pissarsiarisarpai. Pingasut nunap inuisalu eriagisassatut katersugaataannut ilineqartarput ataaserlu atorniagassann-gortinneqartarluni.

Katersat ilisimatusarnermut tunngasut Kalaallit Nunaannut nunanullu issittunut tunngasuusar-put. Groenlandicap toqqaanermi tunngavigisaa aallaavigalugu toqqaasoqartarpoq, saqqum-mersitat ilisimatusarnermik qaffasissuseqarnis-saannik piunasaqaateqarlutik.

2024-mi atuakkat annillugit atorneqarsinnaasut 75-it pisiarineqarsimapput aamma aviisit atuagassiallu 8-t. Nunatsinni saqqummersitat eqqarsaatigalugit pisussaaffitta suuneri pi-areersimaffigivagut. Nunatsinnut nunanilu issittuneersunut tunngasut tamaasa pisiarisa-runnaarnikuuagut, kisianni ilisimatusarnermik qaffasissusillit saqqummersitat pisiarisarlugit. Taamaattumik saqqummersitat 91-it tunngavi-usumik najoqqutarisatta avataaniittut atugas-saajunnaarsinnikuuagut.

Atuagaateqarfimmi inimi ammatitamiittut saqqummersitat 28.734-upput. Taakkunanit 3.530-t aviisiullutillu atuagassiaapput.

Atorniarneqartut amerlassusiat

Groenlandicami atorniarneq ukiuni kinguller-ni apparitorsimavoq. Nunatta inuulu eriagis-assatut katersugaataanniittut saqqummersitat kulturikkut eriagisaammata atorneqarsin-naajunnaarsinneqarnissaat aalajangernikuu-arput. Atuagaateqarfimmili atuarneqarsinnaap-put. Aviisit, atuagassiat najukkamilu aviisit aamma angerlaallugit atorneqarsinnaajunnaar-put. Taamaaliornikkut kikkut tamarmik assigiim-mik saqqummersitanut periarfissaqalerput.

Groenlandicap atuagaatai 50-it atuisunit atorni-arneqarsimapput.

Groenlandicap qulequttat atuisunit annin-nagit atuarneqarsinnaasut nalunaarsorlugit aallartippai. Qulequttat 66-it nunap inuisalu eriagisassatut katersugaataaniittut annillugit atoqqusaanngitsut tamaani atuarneqarsimap-put, aamma atuakkani anniseqqusaanngits-uniittuni quppernernik immikkoortunilluunnit kopeerisoqartarpoq.

Magnus Larsenimit tunissutit

Groenlandicap Magnus Larsenip atuagaatai kingornuppai. Atuagaatai nammineq atuakkiaanik, saqqummer-sitsisarfiutimini saqqummersitai allat atuakkiortut atuakkiaannik aamma atuakkanik atuagaasivianiinnikunik imaqarput. Atuagaatai immikkut ittumik katersugaataasivimmi inissinneqarput.

TEAM GROENLANDICA

Paasissutissanik nalunaarsuineq

Dansk Biblioteks Centeri (DBC) 2019-imi Grønlands Bogfortegnelsimut nalunaarsuisarunnaarpoq. 2024-mi DBC-ip Grønlands Bogfortegnelsimut nalunaarsueqqittalernini aallarteqqippaa. Suleqaterput sapaatip akunneranut ataasiarluni DBC-ikkunni suliaqartarpoq aalajangersimasunut tunngasunut ilisimasassanik kalaallisullu paasissutissanik nalunaarsuineri tapersiisarluni. Taassuma suliami saniatigut Groenlandica sinnerlugu DBC-imi susasaqartunut apeqqutini anngussisinnaavoq. 2024-p aallartinnerani DBC-imik oqaloqatiginninneq Kalaallit Nunaanut tunngasunik sammisanik immikkoortiterineq pillugu aallartinneqarpoq 2025-milu nangingeqarluni. 2024-p ingerlanerani Groenlandicap kingumut nalunaarsuineq ingerlanneqassasoq paasissutissanillu nalunaarsuineri ukiuni 2019-2023-mi saqqummersinneqarsimasut qitiutinneqassasut aalajangiuppai.

2024-mi ukiakkut DBC-ip kalaallisut suliffeqarfiit taaguutaat akuerisat nalunaarsukkani tamaniittut nutarsarlugit kiisalu atortussanngortillugit aallartippai. Kalaallisut suliffeqarfiit taaguutaat akuerisat aaqqinneqarsimasut nutaallu qarasaasiakkut atortussanngortitsinermut nalunaarsuiffimmut aaneqarsinnaanngorumaartussanngussapput taamaaliornikkullu DBC-p nalunaarsugaatai tamarmik assigiissaarneqarsimasut atorineqarsinnaanngussallutik. Tassunga atatillugu kalaallisut suliffeqarfiit taaguutaat akuerisat eqqortut aanissaannut Groenlandica DBC-mik qanimut suleqateqarpoq aamma oqaatsit aalajangersimasunut atukkat Groenlandicamiittut eqqortumik atilersorlugit aaqqissorneqartussattaq atorineqartussaapput.

2023-mi Groenlandicamiittut nalunaarsukkat qanoq atorineqarsinnaaneri pillugit Nunatsinni


sinerissami atuagaateqarfinnut ilitsersuusiornissaq pilersaarutigisimavarput. Ilitsersuut atuagaatilerisumut misilittagalimmut misileraatigalugu aallartippugut. Tamatuma kingorna sinerissami atuagaatilerisunut webinarertitsisoqarmat ilisimasaqarfigilerparput sinerissami atuagaatilerisut atuagaatilerisut suliassaannut tunngatillugu piginnaasaat assigiinngippallaartut. 2024-p ingerlanerani paasivarput atuagaateqarfinni systemi nutaanngussasoq, taamaariarmat ilitsersuusiornissaq utaqqissuniarlugu aalajangerpugut.

2024-mi nalunaarsukkat katillutik 184-iupput, taakkunani 67-it nammineq nalunaarsugaallutik. Taakku saniatigut nalunaarsoriikkat 196-it naqqiissuteqarfigineqarlutillu nutarterneqarput.

Aviisit atuagassiallu ataatsimut katersorneqarput, kisitsisai malillugit inissititerneqarlutik aamma ikiortimit karsinut syreqanngitsunut iliorarneqarlutik.

Groenlandicap sulisuisa Cicero LMS-imi paasissutissanik nalunaarsuisarnerminngaanniit FBI-Katimut nalunaarsuisalernissaq sulisutigivaat. FBI-KAT pillugu internetikkut pikkorissarnissamut piareersaataasumik suleqatigut misileraatitut DBC-mit atorineqarput.

Groenlandicap nammineq nalunaarsukkanik aamma nalunaarsorneqareersimasunut tapiliussanik suliaqarneq aamma atuisunut netpunkt.dk-milu paasissutissanik nalunaarsukkanik piareereersimasunik takutitsinissaq unammillernartillugu.



TEAM GROENLANDICA

Oqaatsinik ujarliutit

2024-p ingerlanerani taaguutit oqaatsinillu ujarliutit Nunatta Atuagaateqarfiani atorneqarutut Oqaasileriffiup nittartagaaniilertussaagalu- arput, maannamulli oqaatsinik ujarliutit kisimik saqqumisunngortinneqarsimapput. 2023-mi Oqaasileriffik ataatsimeeqatiginerani isumaqa- tigiissutigineqarpoq suleqatigiinneq ingerlaan- nassasoq. Allattorsimaffik nutsikkanik imalik apriliimi 2024-mi nassiunneqarpoq ukiulli naalernerani sulisuliarineqarpoq.

Ilisiviit allagaataasivim- miittut

2024-mi ilisiviit nutaat aningaasartuutitassai immikkoortinneqarput pisiarineqarlutillu. Ilisiviit nutaat inissaqartinniarlugit atuakkat ilisivimmi nutaanngitsuniittut tamarmik poortorneqarput Usisaatillu toqqorsivianut ilineqarlutik. Ilisiviit nutaanngitsut isaterneqarput Groenlandicallu atuisunut matoqqanerani karsinit puarlugit aallartippagut atuakkallu ilisivinnut nutaanut iliorarlugit. Ukiq tamaat atuakkat inissaannut iliorarneranni uninngasuutit iluarsaappagut. Ukiup naalernerani iluarsaassagut naammas- sinngilagut, 2025-milu nangissallugit.



TEAM GROENLANDICA

Atuakkat nalunaarsorne-qarnikuunngitsut

Groenlandica piffissap ingerlanerani atuakkanik allanillu kalaallisut allanneqarsimasunik, Kalaallit Nunaannut, nunanut issittumiittunut nunallu avannarlerneersunut tunngasunik tunissutinik tigusaqartarsimavoq. Ernereernerup kingorna sulinngiffeqartumut taartaasumik sulisoqarnitsinni taassumunnga atuakkat immikkoortiterneqarnikuunngitsut misissugassatut suliasanngortinneqarput. Atuakkat amigaatigisagut katersugaatitsinnut ilanngunneqarput toqqartuermili tunngavigisarput malillugu immikkoortiterneqarlutik.

Piffissap ingerlanerani aamma Meddelelser om Grønlandinik amerlasuunik pigeriikkatsinnik tigusaqartarsimavugut, ataasiakkaanik ataatsimoortunilluunniit ukiukkaartumik saqqummersinneqartarsimasunik. Sinneruttut katersorneqarput Ilisimatusarfimmilu kikkunnit tamanit tiguneqariaannanngorlugit ilisivimmut ilineqarlutik.

Atuagaatigut nunatta inuisalu eriagisassatut katersaatai atuagaateqarfimmilu inimi tamanut ammatitamiittuutigut misissorlugit aallarteruttorpagut. Atuakkat nunap inuisalu eriagisassatut katersugaataannut ilaanngitsut atuagaateqarfimmi inimi tamanut ammatitamut nutserlugilluunniit nunap inuisalu eriagisassatut katersugaataanniittussatut piumasaqatiniik naammassinninngitsut kasiilerneqarput. Atuagaateqarfimmi inimi tamanut ammatitap iluarsaannerani atuakkat ilisimatusarnermut tunngassuteqartut qitiutillugit iluarsaappagut. 2024mi atuakkat 4.120t kasiilerpagut.

Filmiliortarnermut inatsit

Kalaallit Nunaanni filmiliortarneq pillugu inatsit tusarniaassutigineqarnikuvoq.

Kalaallit filmiliaasa atuagaateqarfeqarnermut inatsimmi filmit toqqortaatigineqarnissaannut aalajangersaasoqarsimanersoq nalornissutigineqarpoq, isumaqartoqarluni filmit inuiaqatigiinnut kulturitsinnullu eriagisassatut toqqortaatigineqarnissaannut Nunatta Atuagaateqarfia immikkut ittumik ilisimasaqarfiginngimmagu sulisussaqaartinngulu.

Tamatumuuna ataatsimiititaliap maluginiarpaa Naalakkersuisut tusarniaanermut allakkiaminni oqaatigineqartunik immikkut ilisimasalinnik sulisussanillu amigaateqarnermut isumaqataannginnerat, Nunatta Atuagaateqarfia piukkunnarluartunik sulisoqarmat tunniussisaatitaanermut malittarisassanik malinnittunik pisariaqartinneqartunillu ikuallassinnaangitsutut ilusilikkamik inaateqarmata aammalu inip kissassusaanik aalajangersimasumik malitalimmik.

Unnuk Kulturisiorfik

Ukiuni kingullerni Groenlandicap nammineq sammisamik toqqaalluni Ilisimatusarfik Nunatta Allagaateqarfialu suleqatigalugit unnuk kulturisiorfik ingerlattarpaa. 2024-mi sulisoqarnikkut pissutsit peqqutigalugit Nunatta Atuagaateqarfia unnuk kulturisiorfimmuut aaqqissuussaanut peqataanissarput toqqarsimavarput.

TEAM GROENLANDICA

Nunani avannarlerni atua- gaateqarfiit atuagaaqqat pillugit ataatsimiinnerat

Groenlandicami atorfillit marluk Helskinkimi/Finlandimi atuagaaqqat pillugit ataatsimiisitsinermi peqataapput. Atuagaaqqanik tunniussisussaati-taaneq pillugu saqqummiivugut, qanoq ittut tigusarnerlutigit qanorlu karsinut syreqangitsnut poortortarnerlutigit. Tunniussisussaati-taaneq pillugu filmiliaq takutipparput. Nunani avannarlerneersut allat qanoq ittut atuagaaqqat tiguneqartarnersut pillugit saqqummiipput, una sammisaq malillugu “Nammineerit! Ilitersuutit, atuagaaqqani ilisserutit, ilitersuutit najoqqutas-siallu.

Tamatuma saniatigut sammisat marluk oqallisiginissaannut piffissaqarpugut: piginnittussaa-neq pillugu inatsit naqitaqqanillu aaqqissuus-sinermi periaatsit assigiinngitsualuit.

Nationalbibliotekip inatsisilerituaa atuagaaqqat katersugaatineqartut aamma piginnittussaa-nermut inatsit pillugit saqqummiivoq. Atua-gaaqqanik katersugaateqarnermi aaqqissuus-saalluarnissaat aamma oqallisigineqarpoq.

Atuagaaqqanut katersugaateqarnerup pitsa-anerpaaffissaaniinnissaanik eqqarsaatiniq paar-laasseqatigiinnissaq siunertaavoq.

Atuagaatilerisumut iluaqutaasinnaasunik katersanik ilisimatitsisussanut qanorlu atuisut namminneq pisariaqartitaminnik nassaarsinna-anissaannut nalunaarsuuteqarpoq, database-qarpoq, immikkoortiterinermik aaqqissuussis-suteqarpoq, allattuiffeqarpoq, ujarliuteqarpoq, nunap assinganik peqarpoq imaluunniit periut-sinik allanik ujaasinermi atorineqarsinnaasunik peqarluni.